



Universitätsbibliothek Paderborn

**Gallia Vindicata, In Qua Testimoniis Exemplisque
Gallicanæ Præsertim Ecclesiæ, Quæ Pro Regalia, Ac
Quatuor Parisiensibus Propositionibvs A Ludovico
Maimburgo, Alijsque producta sunt, Refutantur**

Sfondrati, Celestino

[Ort nicht ermittelt], MDCLXXXVIII.

51. Breve S. D. N. Innocentij Papæ ad Archiepiscopum Tholosanum.

urn:nbn:de:hbz:466:1-38277

atque Ecclesiam istam singulari cum vestra laude & pro-
ventu ab omni tribulatione, quam subire necesse est, qui-
cumque volunt pie vivere in Christo Jesu, quam primum
liberaturam. Laeta interim vobis omnia assiduo cum Di-
vinæ Gratiae incremento appreciamur, & intimo paterni
amoris sensu Benedicimus. Datum Romæ apud Sanctam
Mariam Majorem sub Annulo Piscatoris, die 25. Septemb.
1680. Pontificatus Nostri anno quinto.

Marius Spinula.

Documentum LI.

Breve Sanctissimi D. N. INNOCENTIJ XI. PP.
Ad Illustrissimum Archiepiscopum Tholosanum.

INNOCENTIUS PP. XI.

Venerabilis Frater. Non possumus non vehementer
mirari, quod ad aures nostras pervenit, videlicet Frater-
nitatem tuam veritam non esse passim absolvere eos, quos
novo & injusto Regaliae titulo, in Apamensis Dioecesis
Beneficia intrusos bona memoriae Franciscus Episcopus
declaravit obstrictos censuris, à Generali Concilio Lugdu-
nensi inflictis; cum præsertim non desint, qui parochiales
quoque Ecclesiæ (rem anteâ inauditam) eo prætextu oc-
cupaverint. Admirationem verò Nostram vehementer
auger, quod nihil statuere potes contra jura, libertatemque
Ecclesiæ Apamensis, quin idem contra Tholosanam, &
universam Provinciam istam statuas. Præterea ignorare
non potes, Episcopum ipsum Apamensem à tuis Senten-
tias ad Nos, & ad hanc sanctam Sedem appellasse, Nósque

Bbb 2

appel-

382 Dissert. I. §VIII. Documenta ex Gallico
appellationem hujusmodi admisisse; cuius rei vel umbra
ipsa, si debitam Eidem Sedi reverentiam in consilio habere
voluisses, revocare te, atque retrahere ab incepto debuisset.
Hæc scribenda ad Fraternitatem tuam duximus; ut & ea
quæ perperam egisti, corrigas, & à similibus in posterum
agendis abstineas, atque interim conscientia tuae consulas.

Datum Romæ die 2. Octobris 1680.

Marius Spinula.

Documentum LII.

Breve Sanctissimi D. N. INNOCENTIJ XI. PP.
Ad Capitulum Ecclesiæ Apamensis.

INNOCENTIUS PP. XI.

Dilecti Filij, Salutem & Apostolicam Benedictionem.
Præter omnem exspectationem nostram accepimus
ex vestris litteris, quæ nuper isthic acciderunt de dilecto
Filio Michaël d' Aubaredo Archidiacono, & Vicario Ge-
nerali, per vos verum & legitimum ejusdem Ecclesiæ Ca-
pitulum constituentes, Canonice Electo, exulare jullo;
dèque admissis ad celebrationem divinorum officiorum
ijs, quos tanquam in beneficiorum possessionem temerè ac
violenter intrusos, bona memoria Franciscus Episcopus
vester innodatos censuris, à generali Concilio Lugdunensi
inflictis, promulgaverat. Vestrae tamen pietatis, ac fidei
erit, manere in statione, & locum, in quo positi estis, con-
stanter tenere, sicut facitis: neque alias Vicarios Genera-
les sede vacante agnosceré, quam præfatum Michaëlem d'
Aubaredo, & alias à vobis electos, vel eligendos; quos etiam
quatenus opus sit, autoritate Apostolicâ confirmamus, &

respe-